

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԻԶԵՎԱՆԻ ՄԱՍՆԱՃՅՈՒՂԻ

ԳԻՏԱԿԱՆ ԽՈՐՀՐԴԻ

ՈՐՈՇՈՒՄ N 52/1

30-ը ապրիլի 2021 թվականի

Երևանի պետական համալսարանի Իջևանի մասնաճյուղի հեռակա ուսուցման ձեվով մագիստրատուրայի 2021-2022 ուսումնական տարվա ընդունելության կարգը հաստատելու մասին:

Ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 4-րդ ենթակետով և Երևանի պետական համալսարանի Իջևանի մասնաճյուղի գիտական խորհրդի կանոնակարգի 4-րդ կետի 4-րդ ենթակետով՝ Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Հաստատել Երևանի պետական համալսարանի Իջևանի մասնաճյուղի հեռակա ուսուցման ձեվով մագիստրատուրայի 2021-2022 ուսումնական տարվա ընդունելության կարգը՝ համաձայն հավելվածի:
2. Որոշումն ուժի մեջ է մտնում հրապարակման պահից:

ԵՊՀ ԻՄ ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝ _____ Ա. Հ. ՄԱԿԱՐՅԱՆ

Հավելված

Հաստատված է

ԵՊՀ ԻՄ գիտական խորհրդի

2021թ. ապրիլի 30-ի նիստի թիվ 52/1 որոշմամբ

ԵՊՀ ԻՄ գիտական խորհրդի նախագահ

Ա. Հ. Մակարյան

Կ Ա Ր Գ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԻՋԵՎԱՆԻ ՄԱՍՆԱՃՅՈՒՂԻ ՀԵՌԱԿԱ
ՈՒՍՈՒՑՄԱՆ ՁԵՎՈՎ ՄԱԳԻՍՏՐԱՏՈՒՐԱՅԻ 2021-2022 ՈՒՍՈՒՄՆԱԿԱՆ ՏԱՐՎԱ

ԸՆԴՈՒՆԵԼՈՒԹՅԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով (այսուհետ Կարգ) սահմանվում են «Երևանի պետական համալսարան» հիմնադրամի Իջևանի մասնաճյուղի (այսուհետ ԵՊՀ ԻՄ) հեռակա ուսուցման ձևով մագիստրատուրայի 2021-2022 ուսումնական տարվա ընդունելության կարգն ու պայմանները:

2. Սույն կարգի իրավական հիմքերն են՝ Հայաստանի Հանրապետության օրենքները, կառավարության որոշումները, ՀՀ կրթության, գիտության, մշակույթի և սպորտի նախարարի հրամանով հաստատված «ՀՀ բարձրագույն ուսումնական հաստատություններում մագիստրատուրայի ընդունելության և ուսուցման» կարգը, ԵՊՀ ԻՄ կանոնադրությունը, ԵՊՀ մագիստրատուրայի (հեռակա ուսուցման ձևով) 2021-2022 ուսումնական տարվա ընդունելության կարգը և այլ իրավական ակտերը:

2. ՄԱԳԻՍՏՐԱՏՈՒՐԱՅԻ ԸՆԴՈՒՆԵԼՈՒԹՅԱՆ ԿԱՐԳԸ ԵՎ ՊԱՅՄԱՆՆԵՐԸ

3. Հեռակա ուսուցման ձևով ԵՊՀ ԻՄ մագիստրատուրայի ընդունելության մրցույթին կարող են մասնակցել ԵՊՀ, ԵՊՀ ԻՄ և այլ պետական և ըստ մասնագիտությունների հավատարմագրված (ինստիտուցիոնալ հավատարմագրում

անցած) ոչ պետական բարձրագույն ուսումնական հաստատությունների առկա և հեռակա ուսուցման ձևերի բակալավրիատի, մագիստրատուրայի կամ դիպլոմավորված մասնագետի որակավորում ունեցող շրջանավարտները:

Հեռակա ուսուցման ձևով մագիստրատուրայում կրթությունը կազմակերպվում է միայն վճարովի հիմունքներով՝ բացառությամբ օրենքով նախատեսված դեպքերի:

4. Մագիստրատուրայի ընդունելությունը կազմակերպելու նպատակով ԵՊՀ ԻՄ տնօրենի ղեկավարությամբ ձևավորվում է ընդունող հանձնաժողով: Հանձնաժողովի կազմում ընդգրկվում են ԵՊՀ ԻՄ-ի ուսումնամեթոդական վարչության պետը և մագիստրոսական կրթական ծրագիրը համակրգող տեսուչը:

Մագիստրատուրայի ընդունելության հայտերն ուսումնասիրելու, քննությունների արդյունքներն ամփոփելու և դիմորդների ընդունելության վերաբերյալ եզրակացություն տալու նպատակով ԵՊՀ ԻՄ տնօրենի հրամանով ձևավորվում է մանդատային հանձնաժողով ԵՊՀ ԻՄ ուսումնամեթոդական վարչության պետի նախագահությամբ: Հանձնաժողովի կազմում ընդգրկվում են ԵՊՀ ԻՄ ուսումնամեթոդական վարչության ուսումնական գործընթացի կազմակերպման և վերահսկման բաժնի վարիչը և հումանիտար գիտությունների ֆակուլտետի դեկանը:

Ընդունելության քննության անցկացման նպատակով ԵՊՀ ԻՄ տնօրենի հրամանով ձևավորվում է առարկայական քննական հանձնաժողով, որի կազմում ներգրավվում են հումանիտար գիտությունների ֆակուլտետի դեկանը, մագիստրոսական կրթական ծրագրի ղեկավարը և ընդունող հանձնաժողովի ներկայացուցիչը (ըստ անհրաժեշտության):

5. Օտարերկրյա քաղաքացիների ընդունելությունը կատարվում է հարցազրույցով՝ համաձայն ՀՀ Կառավարության 2011թ. ապրիլի 28-ի թիվ 700-ն որոշմամբ սահմանված կարգի:

6. Հեռակա ուսուցման ձևով մագիստրատուրայի ընդունելության փաստաթղթերն ընդունվելու են առցանց եղանակով՝ ijevan@ysu.am էլեկտրոնային հասցեին ընթացիկ տարվա սեպտեմբերի 8-ից մինչև հոկտեմբերի 8-ը:

Ընդունելության քննությունը անցկացվելու է ընթացիկ տարվա հոկտեմբերի 13-ին և 14-ին:

7. «Դպրոցական մանկավարժություն և մեթոդիկա» կրթական ծրագրով հեռակա ուսուցման ձևով մագիստրատուրայի ընդունելության մրցույթին հարցազրույցով առանց ընդունելության քննության կարող են մասնակցել.

7.1.ԵՊՀ ԻՄ-ի 2020թ. և 2021թ.կամայական մասնագիտության բակալավրի կրթական ծրագրի այն շրջանավարտները, ովքեր ստացել են մանկավարժի լրացուցիչ որակավորում և ամփոփիչ ատեստավորման քննությունից ստացել են 13 և բարձր միավոր, իսկ նրանց դիպլոմի հավելվածում գրանցված առարկաների միջին որակական գնահատականը (ՄՈԳ-ը) կազմում է առնվազն 13 միավոր,

7.2.ԵՊՀ ԻՄ-ի մյուս տարիների կամայական մասնագիտության բակալավրի կրթական ծրագրի այն շրջանավարտները, ովքեր ստացել են մանկավարժի որակավորում և ամփոփիչ ատեստավորման քննությունից ստացել են 13 և բարձր միավոր, իսկ նրանց դիպլոմի հավելվածում գրանցված առարկաների ՄՈԳ-ը կազմում է առնվազն 13 միավոր,

7.3. այլ բուհերի «Նախադպրոցական մանկավարժություն», «Ընդհանուր մանկավարժություն» և «Մասնագիտական մանկավարժություն» մասնագիտությունների բակալավրիատի առկա և հեռակա ուսուցման ձևերի վերջին երեք տարվա շրջանավարտները, ովքեր ավարտական աշխատանքի պաշտպանությունից և ամփոփիչ ատեստավորման քննությունից ստացել են 13 և բարձր միավոր, իսկ նրանց դիպլոմի հավելվածում գրանցված առարկաների ՄՈԳ-ը կազմում է առնվազն 13 միավոր,

7.4.դպրոցների այն ուսուցիչները, ովքեր ունեն առնվազն 5 տարվա մանկավարժական փորձ,

7.5.ՀՀ զինված ուժերում պարտադիր զինվորական ծառայություն անցած և վերջին երեք տարվա ընթացքում զորացրված սույն կարգի 7.3 կետում նշված մասնագիտությունների դիմորդները:

8. «Նախադպրոցական մանկավարժություն», «Ընդհանուր մանկավարժություն» և «Մասնագիտական մանկավարժություն» մասնագիտությունների բակալավրի կրթական ծրագրի 13-ից ցածր ՄՈԳ ունեցող և այլ ծրագրերի շրջանավարտների, ինչպես նաև ՀՀ Ազգային բանակում ծառայած և երեք տարուց ավելի վաղ զորացրված դիմորդների ընդունելությունը կատարվում է մրցութային հիմունքներով՝ «Ընդհանուր մանկավարժություն» մասնագիտության բակալավրի կրթական ծրագրի վերջնարդյունքներին համապատասխան հարցաշարով անցկացված քննության արդյունքների հիման վրա:

9. Ընդունելության վերաբերյալ որոշումը կայացնում է ընդունող հանձնաժողովը՝ հիմք ընդունելով առարկայական քննական հանձնաժողովի և մանդատային հանձնաժողովի ներկայացրած արձանագրությունները:

10. Մագիստրատուրա ընդունված դիմորդները պարտավոր են մինչև ընթացիկ տարվա հոկտեմբերի 25-ը վճարել ուսման վարձավճարը(1-ին կիսամյակի համար նախատեսված ուսման վարձի առնվազն 25%-ը), որից հետո կատարվում է նրանց հրամանագրումը:

3. ԸՆԴՈՒՆԵԼՈՒԹՅԱՆ ՄՐՑՈՒՅԹԻՆ ՄԱՍՆԱԿՑԵԼՈՒ ՀԱՄԱՐ

ՆԵՐԿԱՅԱՑՎՈՂ ՓԱՍՏԱԹՂԹԵՐԸ

11. Մագիստրատուրայի ընդունելության համար դիմորդները պետք է սքանավորեն և ijevan@ysu.am էլեկտրոնային հասցեին ուղարկեն հետևյալ փաստաթղթերը՝

ա) մագիստրատուրայի ընդունելության լրացված դիմում-հայտ,

բ) բարձրագույն կրթության դիպլոմի և հավելվածի բնօրինակներն ու պատճենները,(ԵՊՀ 2021թ. շրջանավարտները (դեռևս դիպլոմ չստացած) ներկայացնում են ակադեմիական տեղեկագիր՝ կնքված և ստորագրված ֆակուլտետի կողմից, իսկ ՀՀ այլ ԲՈՒՀ-երի 2021թ. շրջանավարտները (դեռևս դիպլոմ չստացած)՝ տվյալ ԲՈՒՀ-ի ռեկտորի ստորագրությամբ տեղեկանք բակալավրիատի

շրջանավարտ լինելու մասին և ակադեմիական տեղեկագիր՝ կնքված և ստորագրված),

զ) արտասահմանյան ԲՈՒՀ-ի դիպլոմ ներկայացնելու դեպքում դիմորդը դիպլոմի հետ պետք է ներկայացնի նաև «Ակադեմիական փոխճանաչման և շարժունության ազգային տեղեկատվական կենտրոնից» տեղեկանք՝ դիպլոմի համարժեքության մասին,

դ) 2 լուսանկար (3x4 չափսի),

ե) զինվորական գրքույկի (առկայության դեպքում) բնօրինակն ու պատճենները (1-7-րդ և 18-19-րդ էջերը),

զ) աձնագրի կամ նույնականացման քարտի բնօրինակն ու պատճենը,

է) ընդունելության ծառայությունների համար գանձվող 1500 ՀՀ դրամի վճարման անդորրագիրը:

12. Ընդունելության հրամանը ստանալուց հետո ՈԻՄՎ մագիստրոսական կրթական ծրագիրը համակրգող տեսուչը հավաքագրում է ուսանողի առցանց ներկայացրած փաստաթղթերը և կազմում է ուսանողի անձնական գործ: Անհրաժեշտության դեպքում տեսուչը ուսանողից կարող է պահանջել սքանավորած փաստաթղթերի բնօրինակներն ու պատճենները: